

Sarajevo, 26-11-2020

Broj: 01-11-3-54856

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-54571 od 24.11.2020. godine, Generalna direktorica donosi:

ODLUKU

o izboru najpovoljnijeg ponuđača

I

Prihvata se prijedlog Komisije za javnu nabavku, Izvještaj br. 10-33-4-54571 od 24.11.2020. godine, za nabavku infuzionih i perfuzionih pumpi za potrebe Klinike za onkologiju KCUS-a, nakon provedenog postupka javne nabavke putem konkurentskog zahtjeva objavljenog na portalu E-nabavke pod brojem obavještenja 893-7-1-752-3-457/20 od 03.11.2020.godine i ugovor se dodjeljuje najpovoljnijem ponuđaču:

INEL MED d.o.o. Mostar

Infuziona pumpa (3 kom) -BBraun Melsunge AG infuzomat space

Jed. cijena : 2.828,17 KM bez PDV-a x 3 kom

Perfuziona pumpa (3 kom) -BBraun Melsunge AG perfusore space

Jed. cijena : 2.768,17 KM bez PDV-a x 3 kom

Kabel za napajanje infuzione (3kom) i perfuzione (3 kom) pumpe- BBraun Melsunge AG Power supply SP EU III

Jed. cijena : 150,00 KM bez PDV-a x 6 kom

Ukupna vrijednost nabavke: 17.689,00 KM bez PDV-a+3.007,13 KM (PDV-a) = 20.696,13 KM sa PDV-om

Rok isporuke : 7 dana od dana potpisivanja ugovora i prijema narudžbenice

Način plaćanja: u roku 30 dana od dana isporuke i ispostavljanja fakture

Garantni rok: 18 mjeseci

II

Izabrani ponuđači dužni su u roku od 5 (pet) dana od dana prijema ove Odluke, dostaviti original ili ovjerene kopije dokaza traženih tačkom 2.2 Tenderske dokumentacije, ne starijih od 3 mjeseca računajući od momenta predaje ponude (ukoliko iste nisu dostavili uz ponudu), a u skladu sa dostavljenom Izjavom ponuđača.

III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a putem web stranice Kantona Sarajevo .

O B R A Z L O Ž E N J E

U skladu sa Odlukom br. 01-04-4-49512-1 od 30.10.2020. godine, pokrenut je postupak javne nabavke infuzionih i perfuzionih pumpi za potrebe Klinike za onkologiju KCUS-a sa procijenjenom vrijednosti nabavke u iznosu od 17.689,15 KM bez PDV-a. Nabavka je planirana Planom javnih nabavki za 2020. god. pod klasifikacijom investicije robe redni br 73. (Odluka o usvajanju Plana javnih nabavki Kliničkog centra Univerziteta u Sarajevu za 2020 godinu, broj: 569/20 protokol br. 04-2-32337/20). Sredstva su obezbjeđena iz namjenskih sredstava uplaćenih na ime „očuvanje i unapređenje zdravlja stanovništva“ i za „zdravlje žene“, te „prevenciju i kontrolu hroničnih masovnih ne zaraznih bolesti“ za potrebe Klinike za onkologiju.

Klinički centar Univerziteta u Sarajevu je na portalu E-nabavke objavio Obavještenje o nabavci broj: 893-7-1-752-3-457/20 od 03.11.2020.godine zajedno sa Tenderskom dokumentacijom.

Na osnovu poziva objavljenog na portalu E-nabavke tendersku dokumentaciju za postupak javne nabavke preuzelo je 13 (trinaest) potencijalnih ponuđača, a do krajnjeg roka određenog za prijem ponuda, do 10,30 sati dana 17.11.2020 godine, dostavljene su 3 (tri) ponude ponuđača i to:

Abdual Akb *Edis Džuhad*

Red.br.	NAZIV PONUĐAČA	Vrijednost ponude bez PDV-a
1.	SONO MEDICAL d.o.o. Sarajevo br.prot. 10-11-3-53066 od 13.11.2020. godine	13.200,00 KM
2.	INEL MED d.o.o. Mostar br.prot. 10-11-3-53219 od 16.11.2020. godine	17.689,00 KM
3.	DERBY TRADE d.o.o. Brčko br.prot. 10-11-3-53333 od 17.11.2020. godine	17.580,00 KM

Komisija za predmetnu javnu nabavku imenovana Odlukom broj: 01-04-4-52709 od 12.11.2020.godine je izvršila uvid i provjeru dokumenata svake ponude ponaosob i ocijenila njihovu formalnu i suštinsku valjanost, a polazeći od zahtjevanje dokumentacije i sačinila „Zapisnik o pregledu i ocjeni dostavljenih ponuda“ br. 10-33-4-54424/20 od 23.11.2020.god.

Analizom dokumentacije pristiglih ponuda utvrđeno je da:

Ponuda ponuđača **SONO MEDICAL d.o.o. Sarajevo** nije formalno pravno ispravna jer nedostaje traženo ili dokazi traženi tenderskom dokumentacijom nisu dostavljeni u skladu sa tenderskim zahtjevom za sljedeće:

- „Specifikaciju/listu dostavljenih dokumenata“, nije dostavljena
- „Obrazac za cijenu ponude Aneks 2“- ponuđač je u obrazcu za cijenu ponude za stavku 3. „Kabel za napajanje infuzione (3kom) i perfuzione (3 kom) pumpe“ napisao da je cijena uključena u cijenu pumpe. U obrazcu za cijenu ponude (aneks 2) u napomeni tačka 1. stoji „Cijene moraju biti izražene u KM. Za svaku stavku u ponudi mora se navesti cijena.“
- „Izjavu o ispunjenosti uslova iz člana 45. stav (1) tačkaka od a) do d) Zakona o javnim nabavkama BiH“ ponuđač u izjavi nije ispunio broj obavještenja i istu nije ovjerio kod nadležnog organa.
- „Izjavu ponuđača iz člana 52. Zakona o javnim nabavkama BiH“ ponuđač nije ovjerio Izjavu kod nadležnog organa.
- „Izvod iz sudskog registra - dokaz da imaju pravo na obavljanje profesionalne djelatnosti i/ili da su registrovani u relevantnim profesionalnim ili trgovačkim registrima ne stariji od 3 mjeseca“ ponuđač je dostavio Izvod iz sudskog registra ali isti nije ovjerio kod nadležnog organa
- „Rješenje za obavljanje djelatnosti uvoza i prometa medicinskih sredstava Agencije za lijekove i medicinska sredstva BiH (ili nadležnih entitetskih tijela uz Potvrdu Agencije za lijekove i medicinska sredstva BiH)“ Ponuđač nije dostavio traženo Rješenje.
- „Rješenje o odobrenju stavljanja medicinskog sredstva u promet izdato od Agencije za lijekove i medicinska sredstva BiH (ili nadležnih entitetskih tijela)“ Ponuđač nije dostavio traženo Rješenje.
- „Izjavu/Informaciju o dostupnosti servisa i validnu dokumentaciju kojom se dokazuje da je ponuđač ekskluzivni/autorizovani zastupnik proizvođača na teritoriji BiH ili distributer proizvođača predmetne opreme ili je u poslovnim odnosima sa proizvođačem ili sa ekskluzivnim/autorizovanim zastupnikom na teritoriji BiH“ Ponuđač je dostavio Izjavu o dostupnosti servisa , ali nije dostavio validnu dokumentaciju kojom dokazuje da je ponuđač ekskluzivni/autorizovani zastupnik proizvođača na teritoriji BiH ili distributer proizvođača predmetne opreme ili je u poslovnim odnosima sa proizvođačem ili sa ekskluzivnim/autorizovanim zastupnikom na teritoriji BiH.
- „Izjava ponuđača da je garantni rok na isporučenu robu minimalno 18 mjeseci“ Ponuđač je dostavio izjavu da je garantni rok na isporučenu robu 12 mjeseci, što nije prihvatljivo jer je ugovorni organ tražio da garantni rok bude minimalno 18 mjeseci.

Tačka 2.1. glasi „Ponuda mora sadržavati sve navedene dokumente u originalu ili ovjerenoj kopiji, u suprotnom će se smatrati nepotpunom i neće biti uzeta u dalje razmatranje.“

Daljim pregledom ponude **ponuđača SONO MEDICAL d.o.o. Sarajevo** ustanovljeno je da ponuda ne ispunjava ni tehničke zahtjeve tražene tenderskom dokumentacijom u ANEKS-u 3. Ponuđač je u ANEKS-u 3 u tačkama za Infuziona pumpa 1.15. Mogućnost integracije pumpi u namjensku radnu stanicu otpornu na utjecaj MRI uređaja i za Perfuziona pumpa 2.16. Mogućnost integracije pumpi u namjensku radnu stanicu otpornu na utjecaj MRI uređaja sam naveo NE (ne ispunjava tražene zahtjev).

Na osnovu svega gore navedenog ponuda ponuđača SONO MEDICAL d.o.o. Sarajevo nije prihvatljiva i nije uzeta u dalje razmatranje.

Analizom ponude ponuđača **DERBY TRADE d.o.o. Brčko** konstatovano je da ponuda nije formalno pravno ispravna jer ponuđač dostavljenju *validnu dokumentaciju kojom se dokazuje da je ponuđač ekskluzivni/autorizovani zastupnik proizvođača na teritoriji BiH ili distributer proizvođača predmetne opreme ili je u poslovnim odnosima sa proizvođačem ili sa ekskluzivnim/autorizovanim zastupnikom na teritoriji BiH*, nije ovjerio kod nadležnog organa (zahtjev iz tačke 2.1 j), **ponuđač je dostavio neovjerenu kopiju dokumenta.**

Osim navedenog ponuda ponuđača **DERBY TRADE d.o.o. Brčko** ne ispunjava ni tehničke zahtjeve tražene tenderskom dokumentacijom u ANEKS-u 3.

U dijelu Aneksa 3 gdje se traži *Potvrda tehničkih karakteristika DA/NE*, ponuđač je za pojedine tačke dostavio *da/ne ili samo ne kako slijedi*:

Infuzionna pumpa

1.1. *Može se koristiti za intravensku, intraarterijsku ili epiduralnu infuziju lijekova*; navedeno je DA/NE, a u opisu ponuđenog stoji „intravenska“

1.3. *Jednostavan unos parametara pomoću tipki*, navedeno je DA/NE, a u opisu ponuđenog stoji „Ekran osjetljiv na dodir“

1.5. *Kapacitet baterije od minimalno 4 sata uz protoke od 90 ml/h ili više*; navedeno je DA/NE, a u opisu ponuđenog stoji „Za 9 sati piri 25ml/h“

1.11. *Mogućnost nadogradnje svake pumpe funkcijama TCI za anesteziju i PCA za tretman postoperativne boli*; navedeno je NE i u opisu ponuđenog stoji “NE“

Perfuzionna pumpa

2.1. *Može se koristiti za intravensku, intraarterijsku, epiduralnu infuziju lijekova i enteralnu prehranu*; navedeno je NE, a u opisu ponuđenog stoji „intravensko“

2.3 *Jednostavan unos parametara pomoću tipki*; navedeno je DA/NE, a u opisu ponuđenog stoji „Ekran osjetljiv na dodir“

2.6 *Kapacitet baterije od minimalno 8 sati uz protoke od 20 ml/h ili više, sa špricama od 50 ml*; navedeno je DA/NE, a u opisu ponuđenog stoji “Za >12 sati pri 5ml/h“

2.12. *Mogućnost nadogradnje svake pumpe funkcijama TCI za anesteziju i PCA za tretman postoperativne boli*; navedeno je NE.

Također ponuđač je bio dužan u aneks-u 3 upisati broj stranice u prospektnoj/katalaškoj dokumentaciji za sve tačke specifikacije. Za tačke Perfuzionna pumpa 2.2 Jednostavno rukovanje prilagođeno korisniku i 3.1 Kabel za napajanje infuzijske pumpe ponuđač je upisao DA ali nije napisao broj stranice u katalogu.


Na osnovu svega navedenog ponuda ponuđača DERBY TRADE d.o.o. Brčko nije prihvatljiva i nije uzeta u dalje razmatranje.

Pregledom ponude ponuđača INEL MED d.o.o. Mostar Komisija je konstatovala da ista ispunjava formalno pravne, tehničke i suštinske zahtjeve, a što se vidi u tabelarnom prikazu, gdje je dostavljena ponuda ocijenjene kao prihvatljiva, pa može biti predmet vrednovanja i može učestvovati u daljem toku natjecanja.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude, te se **postupak okončava u skladu sa članom 69. ZJN.**

Uzimajući u obzir naprijed navedeno Komisija Izvještajem br. 10-33-4-54571 od 24.11.2020. godine predlaže da se **ugovor za “Nabavku infuzionih i perfuzionih pumpi za potrebe Klinike za onkologiju KCUS-a”, dodijeli ponuđaču INEL-MED d.o.o. Mostar**, jedinom ponuđaču koji je dostavio prihvatljivu ponudu.

Prijedlog Komisije je prihvaćen i donosi se odluka kao u dispozitivu.



GENERALNA DIREKTORICA
Prof.dr. Sebiha Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:
- Ponuđačima;
- Tehnički sektor
- a/a KCUS